

KOMMUNIKAMMA



TEKS vir die WEEK:

Jeremia 29:11: “*Ek weet wat ek vir julle beplan sê die Here: Voorspoed en nie teenspoed nie; Ek wil vir julle ‘n toekoms gee, ‘n verwagting.’*”

SAKE vir GEBED:

- Ons dank die Here vir die milde reën wat oor groot dele van die land geval het en ook by ons. Kom ons buig steeds voor Hom neer vir Sy voorsiening in ons droogtegeteisterde dele van die land en by die opvangsgebiede.
- Bid vir Joan Crouse en Lizette Geldenhuys wat nog behandeling ontvang.
- Bid vir Frans Marx wat ‘n heupvervanging in Stellenbosch ondergaan het.
- Dra vir Nico Oosthuizen se ma en Henry Mulder se ouma aan die Here op. Al twee is ernstig siek.
- Bid vir Oom Jan Schnetler se dogter, Ina, wat met longkanker gediagnoseer is. Mag die Here hulle genadig wees.
- Bid vir Dossie Nortje se genesing na groot operasie.
- Bid vir die versorgers van ons siekes en bejaardes wat met soveel liefde na ons geliefdes omsien.
- Dra steeds die EE3-opleiding wat op 2 Februarie in Kleinskool aangebied word aan die Here op. 17 Jongmense en kerkleiers het ingeskryf. Bid veral vir die logistieke daaraan verbonde.

*****Bid asb vir die Veritasspan in Egipte. Een van die spanlede, Monier is donderdagaand in ‘n motorongeluk oorlede.**

SONDAG 26 JANUARIE 2020

08:30 Eietydse diens en Kamma kidz

09:45 Kategese Ouers word saamgenooi na kategese ontmoetings.

10:00 Klassieke diens

Deurdankoffer is vir Sinodaal Jeugbediening

MAANDAG 27 JANUARIE

12:45-14:00 Gebedsgeleentheid in die gebedskamer.

Daar is nie Getuienis bediening vergadering nie.

DINSDAG 28 JANUARIE

17:30 Eiendomme diensterrein vergader

19:00 Leef@Kerk

VRYDAG 31 JANUARIE

MANNEBYEENKOMS05:00

Ons kom by Elandré Bosch, Lilylaan 68 bymekaar. Al die manne, ook jongmanne, is welkom.

SONDAG 2 FEBRUARIE

08:30 Eietydse diens en Kamma Kidz

09:45 Kategese

10:00 Klassieke diens.

SELKAMP/KUIER

Ons nooi almal uit (nie net mense wat by selle betrokke is nie) om saam te kom kamp by **Groendal** op **1 Februarie 2020**

Die Dahlia sel beplan om **Saterdag 1 Februarie 2020** so in die loop van die oggend te vertrek na **Groendal** kamp-area net so anderkant Kruisrivier naby Uitenhage. Daar sal hulle tent opslaan, kamp maak en die aand saam braai. Ons sal graag wil hê dat soveel moontlik van die ander selle en enige iemand anders wat wil, saamkom. Die gedagte is dat elkeen wat wil saamgaan, self bespreek en later net vir ons laat weet. Daar is een huisie wat bespreek kan word vir die wat nie in ‘n tent wil slaap nie.

Die tariewe is soos volg:

Kampplek wat 6 mense kan akkommodeer, teen R52 per persoon per nag.

Bewaringsfooi = R24 per persoon per dag

Totaal: R76 per persoon per nag.

Hier is die kontakbesonderhede vir besprekings by Groendal. Dit is nogal ‘n stryd om hulle telefonies in die hande te kry, dalk is ‘n e-pos dalk maar die antwoord.

- telefoon: 043-492 0881
- e-pos: reservations@ecpta.co.za

Die kontakpersoon van ons gemeente is Elizma Harmse by sel: 083 940 5617

OOS-KAAPLANDSE DROOGTERAMPFONDS

Die Sinodale Kommissie het 'n droogterampfonds gestig. Hulp sal verleen word aan dorpe en boerdery-gemeenskappe wat deur die voortslepende droogte geteister word.

Gemeentes en ander donateurs word versoek om bydrae in die volgende rekening in te betaal: NG Kerk Oos-Kaapland, ABSA, 290 581 192, tjekrekening. Merk alle bydraes met die verwysing: droogteramp – slegs donasies wat met hierdie verwysing gemerk word, kan erken word.

Donateurs wat hul bydraes vir spesifieke gemeenskappe wil oormerk kan 'n e-pos wanneer die inbetaling gemaak word, rig aan me Chantall Vermaak by sinode@ngkok.co.za

NOODSPENS

Baie dankie vir almal wat bygedra het tot die noodspens se voorraad. Daar is deurlopende behoefte aan kos.

Enige nie-bederfbare kos bv blikkieskos, pakkies sop, ensovoorts is baie welkom.

KLEINSKOOLO INISIATIEF

Ons beplan om in 2020 gevestigde huiskerke te bemagtig met opleiding vir kinderbediening en om goeie materiaal aan hulle te verskaf. Ons is in gesprek met die kinderbediening van EE3 in PE en is gereed om die eerste twaalf voornemende studente met die **Hoop vir Kinders** -program te bemagtig. Die koste van een persoon se opleiding beloop meer as R250. Indien die Here dit op u hart lê, vra ons bydraes om ten minste die eerste twaalf studente te borg. Bo en behalwe die onkoste het ons nog twee matriekleerders wat leerlingraad baadjies benodig en op leerlingraad kampe moet gaan.

Ek vra dat Kraggakamma lidmate hierdie nuwe saak in gebed sal opdra. Ek is egter in my hart oortuig dat dit die pad is wat die Here met Kleinskool wil loop.

Margita Marx 0823374336.

KONTAKKAART

'n Groen kontakkaart waarop jy jou besonderhede kan aandui as jy 'n nuwe intrekker is, iemand in die gemeente wat siek is kan aanmeld, 'n afspraak met 'n leraar kan maak, voorbidding versoek, 'n wenk aan die hand kan doen of by die gemeente se dienswerk kan betrokke raak, is in die voorportaal beskikbaar. Vul asseblief jou besonderhede op die kaart in en gooi dit in die bussie wat ook in die voorportaal is.

Teken gerus in op ons e-nuusbrief by:

kuberkamma@ngkraggakamma.co.za

MARANATHA

Op Valentynsdag 15 Februarie wil Maranatha Straatwerkers Trust graag vir 40 bejaardes by ons projek in Pienaarsig, Nieu Bethesda 'n bietjie bederf. Ons wil graag 'n hoender kerrie en rys ete vir hulle aanbied. Enige bydraes tot die ete sal waardeer word (hoender, rys, gemengde groente, bone in tamatiesous, aartappels, wortels ens). Graag wil ons 'n sepie en waslappie ook skenk. Bydraes hiervoor sal ook baie waardeer word.

Hierdie is 'n klein gemeenskap wat baie ontberings in die gesig staar. Enige bydraes kan by die kerkkantoor afgegee word waar ons dit sal afhaal.


Terugvoering oor die ete sal later gegee word.

(Dr) Trudi Basson Maranatha Streetworkers Trust.

MAART MALLIGHEID

Ons gemeente se loslit-gesellige informele pret konsert is vanjaar op 6 Maart. Kom word deel daarvan. As jou kleingroep of iemand in jou familie wil deelneem, kontak die kerkkantoor of Margita Marx (0823374336). Enige voorstelle van items is welkom. Dit is 'n lekker kuier-aand. Ons sit gesellig om tafels en bring iets lekker om te eet en drink. Daar sal ook pannekoek te koop wees. As iemand wil deel vorm van die span wat dit organiseer, bied asb jou dienste aan by die kantoor, Linda Rossouw (0824024396) of Margita Marx. Vanjaar se fondse gaan vir kinderbediening in Kleinskool se bende-geteisterde areas.

VERBETERINGSFONDS



Hier is 'n barometer wat die doelwit voorstel om die lening van R 600 000 terug te betaal. Die lening is aangegaan om die verbeteringe in die kerkgebou aan te gaan. Tans is daar R 89 315 ontvang vir die projek. Indien die Here dit op jou hart druk en jy 'n donasie wil maak, merk dit asb. duidelik vir die verbeteringsfonds.



Gebruik SnapScan en betaal jou:
Dankoffer
Maandelikse Bydrae
Donasie, ens..